



KOMUNA E SHTIMES
DREJTORIA PËR KULTURË, RINI DHE SPORT

Nr.09/94

Datë: 16.8.2023

**THIRRJA PËR PROJEKT-PROPOZIMET PËR
MBËSHTETJEN E AUTORIT**

Drejtoria e Kulturës, Rinisë dhe Sportit (DKRS), në fushën e librit për vitin 2023, rendit ndër prioritetet programore zhvillimin e librit përmes botimit, promovimit, përkthimit, digjitalizimit, nxitjes së lexueshmërisë.

DKRS e konsideron librin si një mjet të rëndësishëm për të nxitur kulturën, artin dhe krijimtarinë, dhe kjo thirrje synon të inkurajojë zhvillimin e librit në mënyra inovative dhe të përshtatshme për kohën tonë. Gjithashtu, përmes kësaj thirrjeje synojmë kultivimin e vlerave artistike e kulturore përmes krijimit të programeve të veçanta për nxitjen e krijimtarisë letrare dhe promovimit të leximit, identifikimit dhe mbështetjes së autorëve, aktivizimit të të rinjve në aktivitete të fushës së librit e leximit, rritjes së mbështetjes për autorët e pavarur.

Në funksion të prioritetit programor, thirrja për projekt-propozimet për mbështetjen e autorit për vitin 2023, synon mbështetjen e projekt-propozimeve të individëve dhe OJQ-ve në Komunën e Shtimes. Objektivat e përgjithshme të kësaj thirrjeje janë:

- Mbështetja për autorët e pavarur dhe identifikimi e promovimi i autorëve të rinj;
- Përhapja e kulturës së leximit nëpërmjet zhvillimit e zbatimit të programeve për nxitjen e lexueshmërisë për aktivizimin e të rinjve në fushën e librit e leximit;
- Zhvillimi dhe funksionalizimi i kulturës së audio-librit në gjuhën shqipe;

Projekt-propozimet e zhvilluara në përputhje me objektivat e përgjithshme dhe specifike duhet të synojnë gjithëpërfshirjen, duke siguruar përfshirjen aktive të grupeve të ndryshme të komunitetit në aktivitetet përkatëse të projekt-propozimit, në veçanti të rinjtë, të moshuarit, vajzat dhe gratë.

Të drejtë aplikimi me projekt-propozime në thirrjen publike për mbështetjen e autorit për vitin 2023 kanë individët dhe OJQ-të që dëshmojnë se programi i tyre i punës është i profilizuar në fushën e librit, leximit dhe kulturës. Individët dhe OJQ-të mund të aplikojnë në njërin nga kategoritë në vijim:

1. **Zhvillim, botim dhe përkthim i librave;**
2. **Programe të nxitjes së lexueshmërisë;**
3. **Zhvillim të audio-librit;**

OJQ-të dhe individët mund të aplikojnë **vetëm në njërin nga këto kategori** të kësaj thirrjeje publike.

Kategoritë e e thirrjes janë elaboruar më poshtë, duke zbërthyer synimet dhe aktivitetet përkatëse, fushëveprimin, kriteret e përgjithshme dhe të veçanta për aplikuesit, si dhe shkallën e mbështetjes.

Vlerësimi i projekt-propozimeve do të zhvillohet në dy faza:

1. Vlerësimi administrativ - që identifikon nëse aplikuesi ka ofruar të gjithë dokumentacionin e nevojshëm në përputhje me kriteret e përgjithshme dhe të veçanta të përcaktuara me këtë thirrje publike për kategoritë përkatëse. Plotësimi i dokumentacionit pas afatit të aplikimit, përkatësisht gjatë periudhës së vlerësimit apo afatit të ankesave, nuk është i mundshëm.

2. Vlerësimi përmbajtësor - që vlerëson nëse:

- aplikuesi është i profilizuar në fushën e librit, leximit dhe kultures;
- aplikuesi ka aplikuar parimet e qeverisjes së mirë në zbatimin e programit përkatës në vitet paraprake;
- aplikuesi ka paraparë zbatimin e parimeve të qeverisjes së mirë në zbatimin e projekt-propozimit të prezantuar në këtë thirrje publike;
- aplikuesi posedon kapacitete profesionale dhe teknike për të zbatuar aktivitetet e planifikuara të projekt-propozimit;
- është përcaktuar ekipi i projekt-propozimit dhe detyrimet e anëtarëve të ekipit;
- projekt-propozimi përputhet me fushëveprimin e kësaj thirrjeje publike;
- projekt-propozimi kontribuon në përmbushjen e objektivave të përcaktuara me këtë thirrje publike për kategoritë përkatëse;
- aktivitetet e projekt-propozimit janë të qarta, të arsyeshme, të kuptueshme dhe të zbatueshme;

- kostot e projekt-propozimit janë reale karshi rezultateve specifike dhe kohëzgjatjes së pritshme të projekt-propozimit;
- kostot e projekt-propozimit janë në përputhje me aktivitetet e planifikuara të projekt-propozimit.

Në rast të dështimit për të përmbushur ndonjërin nga kriteret e përgjithshme apo të veçanta të përcaktuara me këtë thirrje publike për kategoritë përkatëse, aplikacioni do të konsiderohet i pakompletuar dhe si i tillë nuk do të kualifikohet për mbështetje financiare.

Aplikimi:

Propozimet do të dorëzohen vetëm në formularët e paraparë , të cilët së bashku me udhëzimet për aplikantë janë në dispozicion në uebfaqën e internetit të Komunes së Shtimes. Dokumentet e kompletuara duhet të dërgohen me postë ose personalisht, në adresën: Rruga "Tahir Sinani" Nr.50, 72000 Shtime, Republika e Kosovës / Komuna Shtime /Zyra e Sportelit .

Propozimet do të dorëzohen vetëm në formularët e paraparë, të cilat janë në dispozicion në ueb-faqen e Komunës së Shtimes,

<https://kk.rks-gov.net/shtime/category/konkurset-njoftimet/aplikacione/>

Afati për aplikim:

Afati i fundit për aplikim është 10 ditë kalendarike dhe përfundon me datën:25 gusht 2023.

Mbështetje për zhvillim, botim dhe përkthim të librave

Drejtoria e Kulturës, Rinisë dhe Sportit nëpërmjet kësaj kategorie synon të mbështes drejtpërdrejt krijimtarinë e autorit të pavarur që nga fazat e para të zhvillimit të veprës letrare deri në fazën e botimit dhe të promovimit të tij. Lehtësimi i depërtimit në treg nëpërmjet stimulimit të zhvillimit të autorëve të rinj, nxitjes së krijimtarisë letrare nëpërmjet mbështetjes së gjinive të ndryshme letrare dhe përkthimeve, dhe diversifikimi i tregut nëpërmjet rritjes së kualitetit në botim janë në qendër të mbështetjes së kategorisë së parë të kësaj thirrjeje.

Nëpërmjet ofrimit të mbështetjes së veçantë për zhvillim, botim dhe përkthim të librave për autorine pavarur, synohet:

1. Zhvillimi i veprave që nga draftimi deri në botim;
2. Botimi i librave të përfunduar por të pabotuar;
3. Identifikimi i autorëve të rinj nëpërmjet mbështetjes së zhvillimit të librave të parë;
4. Zhvillimi, afirmimi dhe promovimi i veprave të reja të gjinive të ndryshme letrare;
5. Përkthimi i veprave nga gjuha shqipe në gjuhë të huaj dhe anasjelltas;
6. Diversifikimi dhe rritja e kualitetit të botimit;
7. Projekte të tjera në përputhje me objektivat e kësaj thirrjeje.

Kategoritë e botimeve që do të konsiderohen për mbështetje janë:

1. Letërsi;
2. Letërsi dokumentare/autobiografi;
3. Arte;
4. Histori;
5. Sport;
8. Për fëmijë.

Kush mund të aplikojë:

- Individët shtetas të Republikës së Kosovës të profilizuar në fushën e librit, të kulturës ose të kategorive të botimeve të listuara për mbështetje me këtë thirrje, me përvojë të dëshmuar në ato fusha, dhe që plotësojnë kriteret përkatëse të përgjithshme dhe të veçanta.

Kriteret e përgjithshme minimale për individët janë:

- Të ofrojnë dëshmi të regjistrimit civil në Republikën e Kosovës;
- Në rast se individi ka përfituar më parë mbështetje financiare publike, duhet të ketë përmbushur detyrimet kontraktuale ndaj ofruesit të mbështetjes financiare dhe të gjithë ofruesve tjerë të mbështetjes financiare publike;
- Të mos kenë pranuar mjete nga burime tjera të financimit për të njëjtat aktivitete;
- Të mos ekzistojë ndonjë konflikt interesi në mes të aplikuesit, përkatësisht përfaqësuesve/udhëheqësit të aplikuesit dhe organizatës buxhetore apo institucionit publik, siç parashihet me legjislacionin në fuqi në Republikën e Kosovës. Stafi i angazhuar për realizimin e aktiviteteve të projekt-propozimit të cilat do të gëzojnë mbështetjen financiare nga kjo thirrje nuk lejohet të jetë i punësuar në institucione të vartëse;
- Individët nuk kanë të drejtë të aplikojnë me më shumë se 1 projekt-propozim në këtë thirrje publike.

Kriteret e veçanta për individët janë:

- Duhet të jenë të profilizuar në fushën e kulturës ose të kategorive të botimeve të listuara përmbështetje në këtë thirrje, me përvojë të dëshmuar në këto fusha nëpërmjet portfolios së punës dhe CV.

Dokumentet e nevojshme

Aplikimi do të konsiderohet i plotë nëse përmban të gjitha format e aplikimit dhe anekset e detyrueshme siç kërkohet në thirrjen publike dhe dokumentacionin e thirrjes si në vijim:

1. Formulari i Aplikacionit për projekt,
2. Formulari i Propozim buxhetit,
3. Formulari i deklaratës për financimit të dyfishtë,
4. Forma e deklaratës se projekteve te financuara,
5. Rezume të librit të propozuar për zhvillim, botim apo përkthim me titull të librit, përmbajtja e librit me minimum 300 fjalë dhe maksimum 500 fjalë, personazhet kryesore, volumi i librit, tirazhi;
6. Dokumentacioni për individët: Letërnjoftimi, CV-ja me përgatitje profesionale, portfolio e krijimtarisë.

Periudha e zbatimit të projekt-propozimit:

Përfituesit e Projekt-propozimeve në këtë kategori të thirrjes publike duhet të zbatojnë projektet e tyre brenda një viti nga dita e nënshkrimit të kontratës. Përfituesit nuk mund të aplikojnë në thirrjet tjera publike nga DKRS deri në përmbyllin projektit.

Shkalla e mbështetjes:

- Shuma maksimale e mbështetjes për përfituesit: 10,000.00 Euro
- Shuma minimale e mbështetjes për përfituesit: 1,000.00 Euro

Drejtorja për Kulturë, Rritje dhe Sport
Albana Fazliu

